



UNIVERSITÄTS-
BIBLIOTHEK
PADERBORN

**Vitæ Sanctorum Sacris per singulos anni dies
Meditationibvs illustratæ**

Paderbornæ, 1697

S. Leander Episcopvs. 27. Febraurii.

[urn:nbn:de:hbz:466:1-62968](https://nbn-resolving.org/urn:nbn:de:hbz:466:1-62968)

quibus sanè vestra gloriæ & honorum sitis omninò
expleri potest: hos honores quærite. *si honoribus
opibusq; capimur: veris honoribus, opibusq; capiamur.*
Eucher.

3. Ut veram Christi gloriam acquirere possis,
oportet, ut contempnas gloriam mundi, atque pro
Christo, & magna facias, & dura patiaris. Sperne,
age, patere: his tribus tanquam gradibus ad veram
Christiani gloriam pervenies. Quid adhuc fecisti,
quid passus es Christi causâ? A minimis incipe;
non deerunt tibi occasiones; iis tu ne desis.

S. LEANDER EPISCOPVS.

27. Februarii.

*Diliges Dominum Deum tuum ex
toto corde tuo, ex tota anima
tua, & ex tota mente tua.*
Christus. Matth. cap. 22.

COr igneum quod manu gestat LEAN-
DER, sui in DEVM amoris est argu-
mentum. Quem ljuvenis concepit ignem,
extinxit nunquam: arsit quamdiu vixit.
Quæris ubi primùm has flammâs hauserit?
in communi illo igniario virtutum, divini
amoris

amoris camino, religiosorum asceterio; hoc est in monasterio. Compulsus ad mitram Hispalensem, totus ignis erat, luxit & arsit. Luxit animis jam longâ noxarum caligine lippientibus, quas ad meridianam virtutum lucem protraxit; arsit Arianis, accendit eos doctrinâ, docuitque Solem justitiæ intueri. Nunquam quievit hic ardor, crevit ignis cundo. Non tantum commissum sibi gregem, sed universum Hispaniæ imperium inflammare aggressus est. Ut ageret opportunius, coepit à Rege Recaredo, quem subito discussa errorum nube ita irradiavit, ut diem nocti, lucem tenebris, veritatem mendacio prahaberet, fueritque Regum Hispanorum primus, qui Religioni Catholiciæ dixerit Sacramentum.

MEDITATIO

De Amore Dei.

1. **A**ma Deum ex toto corde tuo, ex tota anima tua, ex tota mente tua, hoc est, ad unum Deum refer cogitationes, verba, actiones, desideria, omnem denique vitam tuam. O te felicem! si ames, & amando possideas Deum: nam habet omnia, qui Deum habet, & caret omnibus, qui Deo caret: Quid adhuc amasti? pudet meminisse. Amantissime Jusu, cognosceant te homines,

K

&

& amabunt te, quia parum cognosco, parum amo Aug

2. Ama Deum ante omnia, cum omnia bonitate vincat. Descende in animum tuum: vide utrum magis diligas parentes, amicos, voluptates, divitias, famam, quam Deum? An is es, qui bonis omnibus, & vitam quidem ipsam citius carere velis, quam amore Dei? Si aliter affectum te sentis, frustra predicat tuum in Deum amorem, ficta sunt verba tua, fictus tuus amor, & brevi facta tua pugnabunt cum dictis tuis. Dilige illum, qui tibi est, quidquid amabile aut optabile esse potest Bern.

3. Scirene cupis, utrum sincero amore Dominum prosequaris? vide; an diligenter observes ejus mandata. Qui habet [inquit Christus] mandata mea, & servat ea, ille est, qui diligit me. Qui secus fecerit, Deum diligere se, falso gloriatur. Amanti Deum, & ejus mandata observanti tanta promissa sunt, ea tamen omnia pro nihilo habemus!

S. LUPICINVS
CONFESS.

28. Februarii.

Pœnitentiam agite, appropinquavit enim Regnum Cœlorum. Matth. 3.

EAdem studia & vitæ rationem eandem laudies in Lupicino & Romano, ut merito